

NAQQIUT

**(Kattusseqatigiit partiiat siunnersuutip akuerineqarnissaanik ataatsimiititaliami
amerlanerussuteqartut inassuteqaataannut ilanngunneqarput)**

**Kalaallit Nunaanni suliffeqarfinnut uuliasiornermi aatsitassarsiornermilu
ingerlatsinermi teknikkikkut piumasaqaataasut anguneqarsinnaaqullugit
nunaqavissut suliffeqarfiutaasa piginnaasaat periarfissaallu pitsanngorsarniarlugit
qanoq suliniuteqartoqarsimanersoq Naalakkersuisut misissuisitsinermik
peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Knud Fleischer, Kattusseqatigiit Partiiat)

pillugu

Inuussutissarsiornermut Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inuussutissarsiornermut Ataatsimiititaliaq siunnersuummik suliarinninnermi ukuninnga
inuttaqarpoq:

Inatsisartunut ilaasortaq Naaja Nathanielsen, Inuit Ataqatigiit, siulittaasoq

Inatsisartunut ilaasortaq Andreas Uldum, Demokraatit, siulittaasup tullia

Inatsisartunut ilaasortaq Kim Kielsen, Siumut

Inatsisartunut ilaasortaq Siverth K. Heilmann, Atassut, Kim Kielsenimut sinniisoq

Inatsisartunut ilaasortaq Akitsinnguaq Olsen, Siumut

Inatsisartunut ilaasortaq Karl Lyberth, Siumut

Inatsisartunut ilaasortaq Knud Fleischer, Kattusseqatigiit Partiiat

Inatsisartunut ilaasortaq Aqqaluaq B. Egede, Inuit Ataqatigiit

Inatsisartunut ilaasortaq Karl Lyberth, Siumut

Siunnersuutip UKA 2012-imi siullermeerneqarluni suliarineqarnerata kingorna
ataatsimiititaliap siunnersuut misissorpaa matumuunalu Inatsisartuni suliarineqarnissaanut
isummersuutini saqqummiullugit.

1. Inatsisartut siunnersuummik siullermeerinninnerat

Aalajangiiffigisassatut siunnersuutip Inatsisartuni siullermeerneqarnerani partiinit Naalakkersuisuniillu isummersuutit imaattut saqqummiunneqarput.

Siunnersuut Naalakkersuisut akuerisassanngortippaat Naalakkersuisut isumaqarmata siunnersuut Naalakkersuisut anguniagaannut suliniutaannullu ikorfartuutaassasoq.

Inuit Ataqtigiit siunnersuutip akuerineqarnissaa innersuussutigaat, ataatsimiititaliamilu suliarineqaqqaarani aappassaaniigassanngortinneqassasoq, partii isumaqarmat, siunnersuut Naalakkersuisut immikkoortumut suliniutinut aallartereersimasaannut ilaalluinnartoq.

Siumup siunnersuut itigartinneqassasoq inassuteqaatigaa, partii isumaqarmat nunatsinni inuussutissarsiortunut qaammarsaanermik paasisitsiniaanernillu suliat aallartinneqareersut, ilaatigut Rambøllikkunnit ingerlanneqartut, naammareersut.

Demokraatit siunnersuummi siunertarineqartut soqutiginaruusut oqaatigaat siunnersuutillu Inuussutissarsiornermut Ataatsimiititaliami suliarineqarnissaa inassuteqaatigalugu.

2. Siunnersuutip imarisaa siunertaalu

Siunnersuuteqartup siunnersuutikkut matumuuna nunatsinni inuussutissarsiortut oliesiornermi aatsitassarsiornermilu sullissinermi teknikkikkut piginnaasatigullu piumasaqaatigineqartunut naleqqussaannissanut iliuusissat suut pisariaqartinneqarnerisut qulaajaavigineqarnissaat kissaatigaa.

3. Ataatsimiititaliap siunnersuummik suliarinninnera

Aallarniutigalugu ataatsimiititaliap oqaatigisinnaavaa, tassalu siunissami aatsitassarsiornerep iluani unammilligassanut periarfissanullu nunatsinni inuussutissarsiortut sullissinissaminnut piukkunnarsarneqarnissaasa pingaaruteqarluinnartuunera, tunngaviatigut Inatsisartunit aammalu Naalakkersuisunit isumaqatigineqarmat. Tamatumunnga atatillugu ataatsimiititaliap oqaatigiinnassavaa, partiit kiisalu Naalakkersuisut siunnersuutip siullermeerneqarnerani oqaaseqaatigisaat ataatsimiititaliap inassuteqaateqarnissaanut naammaginarluinnartutut ataatsimiititaliamit isigineqarmata.

4. Siunnersuutip aningaasatigut kingunerisinnaasai

Ataatsimiititaliap maluginiarpa siunnertuuteqartup aningaasatigut kingunerisassat siunnersuummi aamma taggissimagai. Saqqummiunneqartut tunngavigalugit allatut nalilersuinissaq ataatsimiititaliap pissutissaqarsorinngilaa. Aamma ilimanaateqarsinnaavoq

siunnersuut piviusunngortinneqarpap siunnersuuteqartup taggissimasaaniit aningaasartuutissat ikinnerusinnaasut, tassami siunnersuummi siunertarineqartut piviusunngortinneqassagaluarpata taakkua qularnanngitsumik immikkoortumut tamatumunnga Naalakkersuisut suliniutitut ataavartutut aallartissimasaannut ilanngullugit salliutinneqarsinnaasut.

5. Ataatsimiititaliap inassuteqaatai

Ataatsimiititaliami amerlanerussuteqartut Inuit Ataqtigiit, Demokraatit Atassutip kiisalu Kattusseqatigiit partiiata ilaasortaataa matuma kinguliani allassimasutut oqaaseqaateqarlutik siunnersuut **akuerineqassasoq** inassutigaa:

Siunnersuut akuerineqartariaqartut amerlanerussuteqartunit isigineqarpoq, tassuunakkummi Kalaallit Nunaanni apeqqut pingaarutilik tikkuaavigineqarmat. Taamatuttaaq paasisitsiniaanermik, aatsitassarsiornermik ineriartortitsinermi peqataanissamut nunatsinni inuussutissarsiummik ingerlatsisut periarfissaasa siuarsaavigineqarnissaannik siunertaqartumik, Naalakkersuisut aallartitsisimanerat amerlanerussuteqartunit pitsaasutut isigineqarpoq. Paasisitsiniaallunili suliaqarnermi tassani IBA pillugu aatsitassarsioqatigiiffinnik isumaqatiginninniarnermi suliffeqarfiit qanoq periuseqarnissaannut tunngasumik ilisimasat ingerlaavartumik ilanngunneqartariaqartut amerlanerussuteqartut isumaqarput, taamaaliornikkut aatsitassarsiornikkut suliniutinit aallaaveqartumik nunatsinni inuiaqatigiit pissarsiaat annertunerpaaffimmitinneqarsinnaaqqullugit. Matumani ilaatigut eqqarsaatigineqarput ilisimasalik pissarsineq, lærlingit ilinniartullu inissaat. Ataatsimut isigalugu amerlanerussuteqartut isumaqarput aalajangiiffigisassatut siunnersuummi anguniakkanik piviusunngortitsineq nunatsinni suliffeqarfiit aatsitassarsiornermi akuunissamut periarfissaqalernerannut peqataaqataasinnaasoq. Tamatuma saniatigut partiit amerlanerussuteqartut oqaaseqaataat ilanngunneqartut amerlanerussuteqartunit innersuussutigineqassapput.


Immikkut oqaaseqaat

Naalakkersuisut iliuuseqarnissaminni aggersumi qulequttat tallimat, ilaasortap siunnersuutip pineqartup siullermeerneqarnerani saqqummiussai, aamma isumassarsiorfigisariaqaraat siunnersuummik matuminnga suliarinninnermut atatillugu Demokraatit ilaasortaataata kaammattuutigissallugu pissutissaqarsorivoq. Tassunga atatillugu Demokraatit oqaaseqaataat ilanngunneqartoq Demokraatit ilaasortaataannit innersuussutigineqassaaq.

Ataatsimiititaliami ikinnerussuteqartut Siumup ilaasortaataa matuma kinguliani allassimasutut oqaaseqaateqarlutik siunnersuut **itigartinneqassasoq** inassutigaa:

Aalajangiiffigisassatut siunnersuutip itigartinneqarnissaata inassutiginnissaanut Siumup ilaasortaaitai pissutissaqarsoripput. Rambøll A/S aqquutigalugu nunatsinni inuussutissarsiormik ingerlataqartunut paasitsiniaanerit Naalakkersuisunit aallarnisarneqarsimasut aqquutigalugit aalajangiiffigisassatut siunnersuutikkut anguniarneqartut annertuutigut eqquutsinneqartut Siumut isumaqarpoq. Aatsitassarsiulersinnaanerup nassatarisaanik periarfissaalersinnaasut pillugit nunatsinni inuussutissarsiuteqartunut paasisitsiniaaneq suliffeqarfiup pineqartup sinniisuisa maanna ingerlappaat. Suliniutinik allanik aallartitsisoqannginnerani paasisitsiniaanerup taassuma inerneru utaqqimaaqqaarneqartariaqartut naggasiullugu Siumut isumaqarpoq. Kiisalu siunnersuutinik/suliassanik Naalakkersuisunit aallarnisarneqareersunik ataatsimiititaliamut suliarineqartussanngorlugit innersuussisarneq pisariaqanngitsumik marloriaammik sulinertut Siumumit isigineqarpoq. Naggasiullugulu oqaaseqaatimini, ilanngunneqartumi, Siumup isummersuutai Siumumit innersuussutigineqassapput.

Taama oqaaseqarluni isumaliutissiissummilu allassimasunut paasinnilluni ataatsimiititaliap siunnersuut aappassaaniigassanngortippaa.



Naasoq
, Siulittaasoq

Aggaldwaq B. Egede



K. Olsen

Seikmann

